

Rastreabilidad di Duénsas di Animal y Identifikason Oficial di Animal 2024-2025

Informason Jeral

- É ilegal tira Etiketas di Identifikason Oficial di USDA. Un identifikason oficial pa kada animal; nu entantu, bu pode akresenta un etiketa iletróniku di identifikason 840 nun animal ku un fórma diferenti di identifikason oficial.
- Ta izijidu Sertifikadus di Inspekon Veterináriu (CVI) Oficial pa kes animal ki ta podu na ixpuzison na MA y/ó ki ta disloka di un stadu pa kel otu, ixséptu pa kes animal ku etiketa na párti di trás, ki ta bai dirétamenti pa matadoru, ó ki ta pasa pa un merkadu pekuáriu (di animal) y dipos pa matadoru. Ta prifiridu CVI iletróniku. Furmuláriu di CVI oficial en papel sta disponibel na MDAR ti ki stóki atual kaba.
- Ka ta izijidu tésti pa kes animal ki ta entra MA sô pa ixpuzison*. Kontratus anual pa CVI pa kes animal ki ta podu na ixpuzison y pa kabalu ki ta podu na korida na stadus di Nóva Inglatéra, pode ser anunsiaadu anualmenti y bu pode atxá-s na Régras di Saúdi Animal di MA pa Feras y Ixpuzisons.

Gadu Bovinu

Izijénsias di identifikason oficial ta aplika pa tudu gadu bovinu seksualmenti intaktu, ku 18 mês di idadi ó más; tudu gadu bovinu fémia, ki ta da leti, di kualker idadi, y kes matxu ki ta da leti, ki nase dipos di 11 di marsu di 2013; gadu bovinu di kualker idadi ki ta utilizadu na rodeius ó na ivéntus rekreativu; y gadu bovinu di kualker idadi ki ta utilizadu na ixpuzisons. Kes animal ki ta kriadu pa prudu karni, ki ten ménus di 18 mês di idadi, y ki ta disloka di un stadu pa kel otu dirétamenti pa matadoru, ó ki ta pa pasa pa un merkadu pekuáriu dipos pa matadoru, pode disloka ku etiketa ki merkadu ó ki kumersianti kola na párti di trás, invê di identifikason oficial.

*Ta izijidu CVI pa kes animal ki ta disloka di un stadu pa kel otu, ixséptu pa animal ku etiketa na párti di trás, ki ta bai dirétamenti pa matadoru, ó ki ta pasa pa un merkadu pekuáriu y dipos pa matadoru. Ka ta izijidu tésti pa kes bovinu ki ta bai di stadus sên tuberkulózi (TB) y sên bruselózi. Ta izijidu un lisénsa pa tudu bovinu ki ta entra na stadu permanentementi. *Sobri HPAI: izijénsias di tésti y di dislokason sa ta ivolui. Kunpri kes izijénsia stadual y federal más atual.*

Ovinu (karneru) y Kaprinu (kabra)

Karneru y kabra na MA ten ki ser identifikadu oficialmenti antis d'es sai di ses propriedadi di orijen ó antis d'es konpleta 18 mês di idadi, kel ki kontise priméru (Órdi di Imerjénsia di MA AH-1 1996). Kes animal ki bai dirétamenti di ses propriedadi di orijen pa matadoru na stadu, es é izéntu. Ta izijidu CVI pa dislokason di un stadu pa kel otu, ixséptu pa kes animal ki ta bai dirétamenti pa matadoru, ó ki ta pasa pa un merkadu pekuáriu y dipos pa matadoru.

Karneru y kabra ki entra na MA permanentementi, ten ki faze tésti di tuberkulózi na prazu di 60 dia dipos ki es entra na MA. Aléndisu, kes kabra intaktu, ku más di 6 mês di idadi, ten ki faze tésti di bruselózi na prazu di 30 dia dipos ki es entra.

Suínus

Pa dislokason di un stadu pa kel otu, tudu suínu ten ki ser identifikadu individualmenti ku identifikason oficial, anonser ki kes suínu ta kriadu en grupu y ta dislokadu en grupu dirétamenti pa matadoru, utilizandu un identifikason di lóti di grupu. MA ka ten ninhun suínu inklúidu na akordus di grupu di pruduson di saúdi di suínus. Ta izijidu CVI pa dislokason di un stadu pa kel otu, ixséptu pa kes animal ku etiketa na párti di trás, ki ta bai dirétamenti pa matadoru, ó ki ta pasa pa un merkadu pekuáriu dipos pa matadoru.

Suínus ki ta entra na MA ka pode ser kes ki dja foi alimentadu ku lixu kru. Kes ki ben di stadus sên pseudo-raiva (atualmenti tudu 50) ka meste faze tésti. Kes suínu ki ta ben ser utilizadu pa re-pruduson ten ki ten rizultadu negativu na tésti di bruselózi, na prazu di 30 dia dipos ki es entra na MA. Ta izijidu un lisénsa pa kes suínu ki ta entra permanentementi na MA, inkluinu pa piskiza. Tudu suínu k'é "animal di stimason" sta sujeitu a izijénsias di identifikason y di dukumentason di dislokason di MA.

Ekuínu

Kabalu, mula y buru ten ki ser identifikadu individualmenti (inkluinu un diskrison konplétu di kel animal), djuntu ku un CVI pa dislokason di un stadu pa kel otu. Kes animal ki ten más di 6 mês di idadi ten ki aprizenta próva di un tésti di EIA negativu na últimu anu (sais mês pa kabalu ki sa ta bai pa leilon ó un béndá semelhanti). Tenperatura di ekuínus na dia di inspekon ten ki ser rijistadu na CVI pa kes animal ki sa ta entra na MA.

Kamelídiu

USDA ka ta difini un identifikason individual oficial pa kamelídius, má kes animal la ten ki ser identifikadu oficialmenti ku microchip, tatuaji, diskrison konplétu, ó brinku pa dislokason di un stadu pa kel otu. Ta izijidu un CVI pa tudu dislokason di un stadu pa kel otu. Pa inportason permanenti na MA, ta izijidu rizultadu negativu na tésti di

tuberkulózi na prazu di 60 dia dipos di entrada, y rizultadu negativu na tésti di bruselózi y di língua azul (si for kazu) na prazu di 30 dia dipos di entrada, y un lisénsa di MDAR.

Etiketas na párti di trás

Etiketas na párti di trás (etiketas di papel ki USDA ta inprimi y ki kumersiantis ô merkadus ta kola na párti di trás di animal) y brinkus tenpuráriu sên US Shield (skudu di Mérka) É KA identifikason ofisial, má es é útil pa jeson y rastreabilidadi y es pode sta prizenti djuntu ku etiketas di identifikason ofisial.

Tipus di Identifikason Ofisial


Etiketas RFID (840 etiketa)

Bovinus, Suínus

Karneru, Kabra, óra ki ta mantedu rijistu di prugrama *Scrapie* (parapleksia enzótiku)

Pode ser utilizadu na kamelídius komu identifikason individual

- Apartir di 5 di nuvénbru di 2024, etiketas RFID é úniku etiketa di identifikason ofisial di USDA ki pode ser kolokadu na bovinus
- Séri di kinzi (15) díjitu, sô númeru, kumesandu ku kódigu USA “840”
- Pode ser akresentadu a otus fórma di identifikason: NUES etiketas, tatuajis, ets.
- Dos teknolujia: Baxu Frikúénsia (LF) y Ultra Altu Frikúénsia (UHF). LF é típiku na Nóva Inglatéra
- Ta da pa lê ku un leitor/varinha RFID (ten ki ser pa kel teknolujia spisífiku) ô di manera vizual
- Númerus RFID pode ser karegadu autumátikamenti na CVI iletróniku através di aplikativus di leitura di etiketa
- É nisisáriu un Númeru di Identifikason di Lokal (PIN) imitidu pa stadu, pa inkumenda RFID (prudutor ta kontakta MDAR pa imiti un PIN di grasa)
- Pode ser inkumendadu através di un fornecedor di etiketa, rijistu di rasa, ô organizason di setor
- Tudu anu MDAR pode disponibiliza un númeru limitadu di etiketas, di grasa, pa veterináriu y prudutoris ki ta kualifika, pa uza na bovinus
- Veterináriu ta insentivadu pa es tene etiketas RFID pruntu pa uza na téstis ô na óra di skrebe CVI



Etiketas NUES

Suínus, Bovinus ki kolokadu etiketa antis di 5 di nuvénbru di 2024

- Brinku di metal ku un séri di létra y númeru di oitu (8) ô nóvi (9) díjitu, kumesandu ku un kódigu di stadu di 2 díjitu; MA é 14
- Disponíbel di grasa na MDAR



Tatuaji na Orédja

Karneru, Kabra, Suínus, Kamelídius

- Númerus di tatuaji ta imitidu pa rijistu di rasa, y ta tatuadu na orédja direitu y skerdu di animal, konfórmi instruson
- Oficial sô óra ki sta djuntu ku papel di rijistu na nómi di *proprietáriu (dónu) atual*, ô na nómi di proprietáriu anterior djuntu ku un kópia di pididu pa muda propriedadi, ku data di últimus saís mês
- Un kópia di dukumentus di rijistu debe sta djuntu ku CVI, na óra ki el ta ser intregadu na stadu di distinu ô aprizentadu pa inspeson na ixpuzison; Un imaji di rijistu debe ser aneksadu na CVI iletróniku
- Ka é válidu komu identifikason ofisial pa kes animal ki sta na kanais di matansa



Etiketas di Scrapie

Karneru y kabra

- Programa di Privenson di *Scrapie*: Programa di USDA destinadu a kaba ku duénsas, y é nisisáriu mante rijistus spisífiku
- “Etiketas di *Scrapie*” ta utilizadu komu identifikason individual ofisial di USDA
- Ta izijidu Númeru di Identifikason di Lokal (PIN), ki debe ser atribuídu ô bendedu; Etiketas di *Scrapie*; Disponível di grasa na MDAR
- Rebanhus di Re-pruduson debe resebe un Númeru di Rebanhu atribuídu pa Programa di Privenson di *Scrapie* di USDA
 - Nóvus rebanhu pode resebe 100 etiketa di grasa ku es númeru, di USDA
- Un númeru limitadu di etiketas spisífiku di stadu sta atualmenti di grasa através di MDAR (pikénus prudutor, veterináriu) ô USDA (Etiketas spisífiku pa prudutor)
- Pikénus ruminanti ki foi markadu ku etiketa di plástiku (branku) ô di metal (laranjadu ô branku) pode disloka di un stadu pa kel otu ku un CVI, ô pode disloka pa un Lokal di MA di un merkadu di MA, si es foi mandadu di un Lokal di MA

Identifikason Individual di Ekuínus

Kabalu, Mula, Buru

- Tatuaji na bexu y na freiu asosiadu ku rijistus y *microchips*, ta konsideradu identifikason individual ofisial pa kabalu
- USTA y otus organizason sa ta muda pa *microchips* térmiku, ki tanbe ta pirmiti leitura di temperatura
- Diskrison konplétu, inkluindu kor, markason, spiral, ets., y fótus di kabalu pode ser utilizadu komu identifikason pa CVI ô téstis di EIA (Coggins)



Identifikason Individual pa Kamelídus

- *Microchips* é identifikason individual pa lama, alpaka, y kamélu dromedáriu
- Proprietáriu ten ki ranja leitor di *microchip*
- Brinkus, inkluindu RFID, pode ser utilizadu, má USDA inda ka dizigna ninhun tipu di identifikason komu “ofisial” pa kamelídus duméstiku

Kuedju

- Número di tatuaji imitidu pa rijistu y aplikadu na orédja, ta konsideradu identifikason pa kuedju, pa CVI
- Un mini-*microchip* pode ser utilizadu pa identifikason di kuedju na MA (verifika ku gabineti di ixpuzison si kel-li é pirmitidu)
- Proprietáriu debe ranja leitor di *microchip* (ô garanti ma ta sta dispunível na lugar di ixpuzison)

Sertifikadus di Inspeson Veterináriu (CVI) Ofisial

- MA ta ben dispunibiliza formuláriu di CVI di várius párti, pa veterináriu kredensiadu na MA, pa gadu, ekuínus, y animal di konpanhia ti ki stóki atual kaba. Kontakta Elsie Colon pa elsie.colon@mass.gov
- Veterináriu kredensiadu na MA pode imiti CVI iletróniku di Global Vet Link, VetSentry, y VSPS apartir di 1

- di nuvénbru di 2024. Otus aprovason pode ser nisisáriu.
- Fumuláriu APHIS 7001 ka ta pirmitidu nen pa inportason nen pa ixportason di MA

Pa Perguntas sobri ADT, Número di Identifikason di Lokal (PINs), ô pa inkumenda etiketas di identifikason ofisial:

Carry Shulock Sexton
Rastreabilidadi di Duénsas di
Animal
Kordenadora di Divizon di Saúdi di
Animal 617-857-3922
carry.shulock-sexton@mass.gov



Atualizadu na dia 1 di nuvénbru di 2024